

# Umno Pulau Pinang teguh di belakang pucuk pimpinan

PULAU PINANG, Rabu — Semua sembilan bahagian Umno di Pulau Pinang tetap berdiri teguh di belakang pucuk pimpinan parti dan menyokong pindaan perlembagaan yang diluluskan oleh Parlimen.

Ketua Perhubungan Umno Negeri, Datuk Haji Abdullah Haji Ahmad Badawi, berkata demikian ketika merasmikan penubuhan cawangan Umno Mahsuri di Bayan Baru Yang Lepas.

Datuk Haji Abdullah berkata: "Selaku Ketua Perhubungan Umno Negeri, saya memberi kepercayaan sepenuhnya kepada Datuk Seri Dr Mahathir Mohamad untuk menyelesaikan soal itu."

Beliau yakin soal itu dapat diselesaikan oleh

pucuk pimpinan secara tradisi.

Berita Harian difahamkan bahagian-bahagian Umno di negeri ini menghadapi soal itu dengan tenang.

Difahamkan, belum ada bahagian Umno negeri ini yang mengadakan sidang tergeper untuk membincangkan soal itu.

"Kami belum mendapat arahan dari Ketua Perhubungan Umno," kata seorang tokoh.

Beliau berkata, semua bahagian adalah sependapat dengan kenyataan Datuk Haji Abdullah.

Setiausaha Pemuda Umno bahagian Permatang Pauh, Encik Ishak Ismail, berkata pergerakan itu juga menyokong penuh pindaan perlembagaan.

Sementara itu, laporan

dari Melaka berkata Umno bahagian Kota Melaka juga menyokong pucuk pimpinan atas tindakan ke arah pelaksanaan pindaan Perlembagaan Malaysia.

Keputusan sebulat suara itu dicapai dalam mesyuarat khas jawatankuasa bahagian itu yang dipengerusikan oleh ketuanya, Datuk Haji Hassan Mansur, di sini malam tadi.

Datuk Haji Hassan berkata hari ini keputusan meminda perlembagaan itu ialah keputusan suara terbanyak rakyat, setelah ia diluluskan oleh Parlimen.

Katanya, Umno bahagian Kota Melaka berdiri teguh di belakang pucuk pimpinan dalam apa juga langkah yang akan dibuat ke arah pelaksanaan pindaan perlemba-

gaan itu.

Datuk Haji Hassan berkata, jawatankuasa Umno bahagiannya tidak membincangkan langsung soal kedudukan Datuk Senu Abdul Rahman yang telah membuat surat terbuka mengenai isu itu.

DI KOTA BHARU Pemuda Umno Kelantan berikrar mematuhi segala ketetapan yang dibuat oleh pucuk pimpinan Umno Malaysia mengenai isu pindaan perlembagaan negara.

Naib ketuanya, Encik Hashim Shafin, berkata Pemuda Umno Kelantan menyerahkan kepada pucuk pimpinan parti mengenai perkara itu.

Katanya, 36 perwakilan dari Kelantan akan menyertai perhimpunan agung khas Pemuda Umno Malaysia